



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-11-712-1/20

Datum: 10.04.2020.godine

Na osnovu člana 70. stav 2. Zakona o organizaciji organa uprave u Federaciji BiH ("Službene novine Federacije BiH" broj: 35/05), a vezano za član 10. stav 1. tačka b) i član 18. stav (2) Zakona o javnim nabavkama ("Službeni glasnik Bosne i Hercegovine", broj: 39/14), vršilac dužnosti Direktora Kantonalne uprave civilne zaštite Kantona Sarajevo, *donosi*

ODLUKU

o pokretanju postupka za izuzeće od primjene Zakona o javnim nabavkama

I

Od primjene Zakona o javnim nabavkama BiH ("Službeni glasnik Bosne i Hercegovine", broj: 39/14) izuzima se nabavka usluga: "Osiguranje prevoza osoba koja ulaze u BiH", oznaka iz JRJN: 60170000-0 - Najam vozila za prevoz putnika sa vozačem.

Vrijednost javne nabavke iz stava (1) ovog člana procjenjuje se na iznos do 42.700,00 (slovima: četrdesetdvijehiljadestamstotina KM) bez PDV-a.

Obzirom da broj osoba koje će se prevoziti sa graničnih prelaza do Kantona Sarajevo nije moguće utvrditi te da će se navedene usluge prevoza pružati dok bude na snazi naredba Federalnog Štaba civilne zaštite broj: 12-40-6-148-120/20 od 10.04.2020. godine i Odluka Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, odnosno dok traje potreba prevoza osoba u Kanton Sarajevo, jer plan i dinamika ostvarivanja predmeta javne nabavke usluga nisu unaprijed poznati, ugovorni organ je prinuđen navesti maksimalnu procijenjenu vrijednost nabavke, odnosno iznos sa kojim raspolaže za ovaj predmet nabavke.

II

Sredstva za nabavku iz tačke I ove Odluke se osiguravaju iz planiranih namjenskih sredstava Kantonalne uprave civilne zaštite Kantona Sarajevo za 2020. godinu sa ekonomskog koda: 613500 – Izdaci za usluge prevoza i goriva.

III

Ova Odluka stupa na snagu danom donošenja i biće objavljena na službenoj stranici Kantonalne uprave civilne zaštite Kantona Sarajevo.



Obrazloženje

Svjetska zdravstvena organizacija je dana 11.03.2020. godine službeno proglasila pandemiju. Vijeće ministara BiH je donijelo Odluku o proglašenju stanja prirodne ili druge nesreće na teritoriji Bosne i Hercegovine 17.03.2020. godine, a Vlada FBiH je donijela Odluku o proglašenju stanja nesreće zbog coronavirusa na području FBiH 16.03.2020. godine, te je s tim u vezi i Agencija za javne nabavke Bosne i Hercegovine izdala saopštenje broj: 02-02-1-489-1/20 od 17.03.2020. godine kojim se obrazlaže način postupanja ugovornih organa u provođenju postupaka javnih nabavki neophodnih za sprječavanje širenja i ublažavanje posljedica pandemije. Također, Vlada Kantona Sarajevo je dana 18.03.2020. godine donijela Odluku o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20.

Štab civilne zaštite Kantona Sarajevo postupajući po naredbi Federalnog Štaba civilne zaštite broj: 12-40-6-148-120/20 od 10.04.2020. godine i Rješenja Federalnog Ministarstva zdravstva o određivanju karantena za osobe koje ulaze u Bosnu i Hercegovinu donio je Odluku broj 08-40-503/20 od 13.04.2020. godine kojom se zadužuje Kantonalna uprava civilne zaštite Kantona Sarajevo da provede postupak javne nabavke za potrebe prevoza osoba sa graničnih prelaza do karantena na području Kantona Sarajevo.

Shodno navedenom, usluga prevoza osoba će se provoditi prema izuzeću od primjene Zakona o javnim nabavkama na osnovu člana 10. stav (1) tačka b) Zakona o javnim nabavkama („Službeni glasnik BiH“, broj: 39/14), zbog posebnih mjera sigurnosti u slučajevima izuzetne nužde (spašavanje ljudskih života, zdravlja, i sl.), obzirom da se radi o nabavci koja se može dokazivo dovesti u direktnu vezu s mjerama neophodnim za sprječavanje širenja i ublažavanje posljedica Corona virusa (COVID-19).

Primjena navedenog postupka javne nabavke, odnosno vrijeme potrebno za provođenje istog, prouzrokovalo bi izuzetno negativne posljedice na građane Kantona Sarajevo jer bi iste izložilo maksimalnom riziku zaraze. Shodno tome, Ugovorni organ je na temelju ove procjene postupio i preduzeo radnje odmah, te je odlučeno kao u tački I ove Odluke.



V.D. DIREKTOR
asmin Terović

Dostavljeno:

- Naslovu
- a/a

